



REPUBLIKA E SHQIPËRISË
BASHKIA SHKODËR
ASAMBLEJA E PËRGJITHSHME E "TRAJTIMI I STUDENTËVE SH.A.
SHKODËR

Nr. 10705 Prot.

Shkodër, më 27.07.2020

VENDIM

Nr. 1, datë 27.07.2020

"PËR MIRATIMIN E STATUTIT TË "TRAJTIMI I STUDENTËVE" SH.A.
SHKODËR"

Asambleja e Përgjithshme e "Trajtimi i Studentëve" sh.a. Shkodër, me aksioner të vetëm Bashkia Shkodër, e përfaqësuar nga Kryetari i Bashkisë, në mbështetje të ligjit nr. 139/2015, "Për vetëqeverisjen vendore", i ndryshuar, ligjit nr. 9901, datë 14.04.2008, "Për tregtarët dhe shoqëritë tregtare", të ndryshuar, VKM nr.350, datë 29.04.2020 për "Transferimin e pronësisë së 100% të aksioneve të shoqërisë "Trajtimitimi studentave" sha Shkodër nga Ministria e Financave dhe Ekonomisë të Bashkia Shkodër", bazuar në Urdhërin e Ministrisë së Financave dhe Ekonomisë nr 119, datë 13.05.2020 "Mbi zbatimin e VKM nr.350, datë 29.04.2020 për "Transferimin e pronësisë së 100% të aksioneve të shoqërisë "Trajtimitimi studentave" sha nga Ministria e Financave dhe Ekonomisë të Bashkia Shkodër"

VENDOSI:

1. Të miratojë Statutin e "Trajtimi i Studentëve" Sh.A. Shkodër.
2. Ngarkohet administratori i shoqërisë "Trajtimi i Studentëve" Sh.A., për zbatimin e këtij vendimi dhe për depozitimin e tij pranë Qendrës Kombëtare të Biznesit, me qëllim pasqyrimin e ndryshimeve.
3. Ky vendim hyn në fuqi menjëherë.

ASAMBLEJA E PËRGJITHSHME E "TRAJTIMI I STUDENTËVE" SH.A.
SHKODËR

BASHKIA SHKODER

KRYETAR
VOLTANA ADEM



1

[Printo]

[Google Translate]

VENDIM

Nr. 350, datë 29.4.2020

PËR TRANSFERIMIN E PRONËSISË SË 100% TË AKSIONEVE TË SHOQËRISË "TRAJTIMI I STUDENTËVE", SH.A., SHKODËR, NGA MINISTRIA E FINANCAVE DHE EKONOMISË TE BASHKIA SHKODËR

Në mbështetje të nenit 100 të Kushtetutës, të nenit 4, të ligjit nr.7926, datë 20.4.1995, "Për transformimin e ndërmarrjeve shtetërore në shoqëri tregtare", të ndryshuar, të neneve 3 e 4, të ligjit nr.8744, datë 22.2.2001, "Për transferimin e pronave të paluajtshme publike të shtetit në njësitë e qeverisjes vendore", të ndryshuar, dhe të ligjit nr.9901, datë 14.4.2008, "Për tregtarët dhe shoqëritë tregtare", të ndryshuar, me propozimin e ministrit të Financave dhe Ekonomisë, Këshilli i Ministrave

VENDOSI:

1. Transferimin e pronësisë së 100% të aksioneve të shoqërisë "Trajtimi i studentëve", sh.a., Shkodër, nga Ministria e Financave dhe Ekonomisë te Bashkia Shkodër, me të gjitha të drejtat dhe detyrimet, në momentin e hyrjes në fuqi të këtij vendimi.

2. Ngarkohen Ministria e Financave dhe Ekonomisë, Ministria e Brendshme dhe Bashkia Shkodër për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTËR

Edi Rama

Copyright 2020 - www.ligjet.org

STATUTI
I SHOQËRISË ANONIME
“TRAJTIMI I STUDENTËVE” SH.A. SHKODËR

Në këtë statut dispozitat ligjore janë:

- Ligji nr.9901, dt.14.04.2008 “Për tregtarët dhe shoqëritë tregtare”, i ndryshuar
- Ligji 139/2015 “Per veteqeverisjen vendore”, i ndryshuar,
- VKM nr.350, date 29.04.2020 për ‘Transferimin e pronësisë së 100% të aksioneve të shoqërisë ‘Trajtimimi studentave’ sha Shkodër nga Ministria e Financave dhe Ekonomisë te Bashkia Shkodër’
- “Statuti” është statuti i shoqërisë;

KREU I

THEMELIMI, EMRI, OBJEKTI, KOHËZGJATJA, SELIA

Neni 1

Data e Themelimit, Emri Themeluesit dhe Transferimi

- 1.1 Me 18.07.2005, themeluesit, kanë krijuar një shoqëri aksionare me emrin “Trajtimi i Studentëve, Shkodër” Sh.A.
- 1.2 Themeluesi i shoqërisë është:
 - Ministria e Financës dhe Ekonomisë, e përfaqësuar nga titullari i saj, me Adresë: Sheshi Skenderbej, Tiranë
- 1.3 Me VKM nr.350, dt. 29.04.2020 për ‘Transferimin e pronësisë së 100% të aksioneve të shoqërisë ‘Trajtimimi studentave’ sha Shkodër nga Ministria e Financave dhe Ekonomisë te Bashkia Shkodër’, shoqëria transferohet në pronësi të Bashkisë Shkodër, përfaqësuar nga Kryetar i Bashkisë, Shkodër ne cilësinë e Asamblesë së Përgjithshme.

Neni 2:

Objekti

- 2.1 Trajtimi i studentëve me ushqim, fjetje dhe shërbime të tjera.

Neni 3:
Kohëzgjatja

3.1 Kohëzgjatja e shoqërisë do të jetë pa afat.

Neni 4:
Selia e shoqërisë

4.1 Selia e Shoqërisë ndodhet në Adresën: Rruga "Jeronim De Rada", pranë Universitetit "Luigj Gurakuqi" Shkodër.

KREU II
KAPITALI

Neni 5:
Kapitali themeltar

5.1 Kapitali i regjistruar i shoqërisë është 157.323.000 lekë, i ndarë në 157.323 aksione të zakonshme, me vlerë nominale 1 000,00 lekë secili. Aksionet e themeluesit në kapitalin e shoqërisë janë në përputhje me kontributin e tyre të mëposhtëm:

5.2 Bashkia Shkodër zotëron 100% të aksioneve të shoqërisë.

- a. Lloji i kontributit: Në natyrë dhe në para:
- b. Numri i aksioneve është 157.323 dhe
- c. Vlera nominale e aksionit është 1 000.00 lekë.

5.3 100% e vlerës së kontributeve në para e cila është në gjendje në llogaritë bankare të ish ndërmarrjes shtetërore kalon në llogari të shoqërisë anonime Sh.A "Trajtimi i Studentëve" Shkodër. Kontributet në natyrë do të kalojnë për llogari të Shoqërisë përpara rregjistrimit.

Neni 6:
Rregjistri i aksioneve

6.1 Shoqëria aksionare mban një regjistër të posaçëm, ku regjistrohen të dhënat e zotëruesve të aksioneve të shoqërisë, si: emri e mbiemri i aksionarit, apo emri i regjistruar, nëse është person juridik, vlera nominale e aksionit, adresa e banimit apo zyra qendrore e aksionarit dhe data e kryerjes së regjistrimit.

6.2 Administratori / ët janë përgjegjës për mbajtjen e regjistrit të aksioneve të shoqërisë e detyrohen të lejojnë aksesin në informacionet e regjistrit ndaj cdo aksionari apo cdo personi tjetër që e kërkon. Informacioni i regjistrit të aksioneve duhet të publikohet në faqen e shoqërisë në internet. Shoqëria mund të lejojë regjistrimin on-line të dhënave, që duhen regjistruar sipas pikës 1 të këtij neni, nga administratori i ngarkuar me detyrën e mbajtjes së regjistrit të aksioneve.

Neni 7:

Mënyra e fitimit dhe kalimit të aksioneve

7.1 Aksionet e shoqërisë aksionare dhe të drejtat që rrjedhin prej tyre, mund të fitohen apo kalohen nëpërmjet:

- a) Kontributit në kapitalin e shoqërisë, në castin e formimit të shoqërisë
- b) Shitblerjes
- c) Trashëgimisë
- d) Dhurimit
- e) Çdo mënyre tjetër të parashikuar në ligj.

7.2 Aksionet e të drejtat e fituara si me sipër nuk mund të ushtrohen ndaj asnjë personi apo ndaj shoqërisë, përpara se veprimi të jetë regjistruar në regjistrin e posaçëm të aksioneve, që mban shoqëria, në përputhje me pikën 1 të nenit 119 të ligjit nr. 9901, date 14.04.2008``Per tregtaret dhe shoqerite tregtare``, të ndryshuar.

Neni 8:

Zmadhimi i kapitalit Themeltar

8.1 Kapitali i regjistruar i shoqërisë mund të zmadhohen duke emetuar rishtazi, kundrejt kontributeve të reja. Kur emetohen aksione të reja, këto aksione iu ofrohen aksionarëve ekzistues përpara se t'u ofrohen aksionarëve të tjerë të rinj, në pajtim me nenin 174 të ligjit nr. 9901, date 14.04.2008 ``Për tregtaret dhe shoqeritë tregtare``, të ndryshuar.

8.2 Aksionet e reja iu ofrohen aksionarëve sipas numrit të aksioneve që zotërojnë përpara ofertës. Oferta që iu bëhet aksionarëve ekzistues duhet të pranohet brenda 20 ditësh pas publikimit në QKB.

8.3 Asambleja e përgjithshme mund të vendosë që zmadhimi i kapitalit të kryhet me emetim të aksioneve të reja, për t'u nënshkruar vetëm nga aksionarët ekzistues.

8.4 Zmadhimi i kufizuar i kapitalit mund të kryhet vetëm me miratimin unanimit të të gjithë aksionarëve.

8.5 Zmadhimi i kapitalit me aktivet e shoqërisë. Pas miratimit të bilancit të vitit paraardhës, Asambleja e përgjithshme mund të vendosë ta zmadhojë kapitalin e regjistruar, duke kaluar në kapitalin bazë rezervat e disponueshme dhe fitimet e pashpërndara.

Neni 9:

Zvogëlimi i kapitalit themeltar

9.1 Kapitali i regjistruar i shoqërisë mund të zvogëlohet me vendim të Asamblesë së përgjithshme, në përputhje me përcaktimet e pikës 1 të nenit 145 të ligjit nr.9901, datë 14.04.2008 "Per tregtaret dhe shoqerite tregtare", të ndryshuar.

9.2 Nëse zvogëlimi ndryshon të drejtat e një kategorie të caktuar aksionesh, vlefshmëria e tij kushtëzohet nga pëlqimi i aksionarëve përkatës, i cili duhet të përmbushë kërkesat formale të pikës 3 të nenit 149 të ligjit nr.9901, datë 14.04.2008 "Per tregtaret dhe shoqerite tregtare", të ndryshuar.

9.3 Zvogëlimi i kapitalit realizohet nëpërmjet zvogëlimit të vlerës nominale të aksioneve dhe anulim aksionesh. Kapitali i regjistruar mund të zvogëlohet nën vlerat minimale, të parashikuara në ligj, vetëm në rastin kur zvogëlimi shoqërohet me një zmadhim të njëkohshëm të kapitalit.

KREU III ORGANET E SHOQËRISË

Neni 10 :

Organet e shoqërisë

10.1 Shoqëria është strukturur sipas sistemit me dy nivele.

10.2 Organet e shoqërisë aksionare janë:

1. Asambleja e përgjithshme
2. Këshilli mbikëqyrës
3. Administratori/administratorët

Neni 11:

Asambleja e Përgjithshme

11.1 Asambleja e Përgjithshme është organi më i lartë vendimarrës i shoqërisë.

- 11.2 Asambleja e Përgjithshme përfaqësohet nga Kryetari i Bashkisë Shkodër, i cili merr vendime brenda kompetencave të parashikuara nga ligji nr. 139/2015 "Për vetëqeverisjen vendor", i ndryshuar dhe Ligjin nr.9901, dt.14.04.2008 "Për tregtarët dhe shoqëritë tregtare", të ndryshuar
- 11.3 Asambleja e Përgjithshme mbledhet në selinë e shoqërisë. Ajo thirret nga kryetari i asamblesë së përgjithshme, këshilli mbikqyrës, administratori i shoqërisë. Mbledhja mund të thirret gjithashtu nga audituesi ligjor i autorizuar, në rastet kur parashikohet nga legjislacioni në fuqi.
- 11.4 Asambleja e Përgjithshme thirret në mbledhje të paktën një herë në vit, brenda gjashtë muajve që pasojnë mbylljen e vitit financiar.
- 11.5 Thirrja e mbledhjeve të Asamblesë së Përgjithshme bëhet nëpërmjet njoftimit me shkresë/ njoftim nëpërmjet postës elektronike.
- 11.6 Njoftimi me shkresë/postë elektronike dhe rendi i ditës u dërgohet të gjithë aksionerëve, jo më vonë se 21 ditë përpara datës së parashikuar për mbledhjen e Asamblesë. Në njoftimin që duhet t'i shkojë çdo anëtar të Asamblesë së Përgjithshme, apo të njihet prej çdo anëtar, të paktën 15 (pesëmbëdhjetë) ditë përpara mbledhjes së saj, përcaktohen dita, ora dhe vendi ku bëhet mbledhja dhe rendi i ditës.
- 11.7 Çdo vendim i marrë nga Asambleja e Përgjithshme, që thirret në mënyrë të pa rregullt është absolutisht i pa vlefshëm.

Neni 12:

Të drejtat dhe detyrimet e Asamblesë së Përgjithshme

- 12.1 Asambleja e përgjithshme merr vendime për çështjet e mëposhtme të shoqërisë:
- a. përcaktimin e politikave tregtare;
 - b. ndryshime të statutit;
 - c. emërimin e shkarkimin e administratorëve
 - d. emërimin e shkarkimin e anëtarëve të këshillit mbikqyrës
 - e. emërimin e shkarkimin e likuiduesve dhe të ekspertëve kontabël të autorizuar
 - f. përcaktimin e shpërblimeve për personat e përmendur në shkronjat "c" e "d" të kësaj pike;
 - g. Mbikqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
 - h. miratimin e pasqyrave financiare vjetore dhe të raporteve të ecurisë së veprimtarisë;
 - i. zmadhimin ose zvogëlimin e kapitalit të regjistruar;
 - j. pjesëtimin e kuotave dhe anulimin e tyre;
 - k. përfaqësimin e shoqërisë në gjykatë dhe në procedimet e tjera administratorëve;

- l. riorganizimin dhe prishjen e shoqërisë;
- m. miratimin e rregullave procedurale të mbledhjeve të asamblesë;
- n. çështje të tjera të parashikuara nga ligji apo statuti.

12.2 Asambleja e përgjithshme merr vendime për çështjet e përcaktuara në shkronjat “g” dhe “h” të pikës 1 të këtij neni, pas marrjes dhe shqyrtimit të dokumenteve përkatës.

12.3 Nëse shoqëria zotërohet nga një aksionar, të drejtat dhe detyrimet e asamblesë së përgjithshme ushtrohen nga aksionari i vetëm. Të gjitha vendimet e marra nga aksionari i vetëm regjistrohen në një regjistër të vendimeve, të dhënat e të cilit nuk mund të ndryshohen ose të fshihen. Duhet regjistruar në veçanti, por pa u kufizuar në to, vendimet e mëposhtme:

- a) miratimi i pasqyrave financiare vjetore dhe të raporteve të ecurisë së veprimtarisë;
- b) shpërndarja e fitimeve vjetore dhe mbulimi i humbjeve;
- c) investime;
- d) vendimet për riorganizimi dhe prishjen e shoqërisë.

12.4 Vendimet e paregjistruara në regjistrimin e vendimeve janë absolutisht të pavlefshme. Shoqëria nuk mund t'i kundrejtojë pavlefshmërinë të tretit, që ka fituar të drejta në mirëbesim, përveç rastit kur shoqëria provon se i treti ka pasur dijeni për pavlefshmërinë apo në bazë të rrethanave të qarta nuk mund të mos kishte pasur dijeni për të.

Neni 13:

Mbledhjet e Asamblesë së Përgjithshme

13.1 Asambleja e përgjithshme merr vendime të vlefshme vetëm me arritjen e kuorumit të parashikuar nga neni 144 i ligjit nr.9901, date 14.04.2008`Per tregtaret dhe shoqerite tregtare`, të ndryshuar.

13.2 Gjatë mbledhjes së Asamblesë së përgjithshme përgatitet lista e aksionarëve të pranishëm dhe të përfaqësuesve të tyre, ku shënohen emrat dhe adresat e secilit, së bashku me numrin e aksioneve, numrin e votave, që këto aksione japin, vlerën nominale të aksioneve, si dhe llojin apo kategorinë e tyre, të zotëruara nga secili pjesëmarrës. Kjo listë u vihet në dispozicion aksionarëve dhe përfaqësuesve të tyre dhe nënshkruhet prej tyre.

13.3 Asambleja e përgjithshme cakton një kryetar. Nëse asnjë prej administratorëve nuk dëshiron të caktohet si kryetar i mbledhjes ose nëse asnjë prej administratorëve nuk është i pranishëm për pesëmbëdhjetë minuta duke filluar nga ora e caktuar për fillimin e mbledhjes, aksionarët e pranishëm dhe me të drejtë vote zgjedhin njërin prej tyre si kryetari të mbledhjes. Administratori ose anëtari i Këshillit të mbikëqyrës pavarësisht se nuk është aksionar, ka të

drejtën e pjesëmarrjes si edhe të marrë fialën në çdo mbledhje të asamblesë së përgjithshme dhe në mbledhjet e veçanta të aksionarëve, zotërues të aksioneve të klasave të ndryshme.

Neni 14

Kuorumi

14.1 Në rastin e çështjeve, që vendosen me shumicë të zakonshme, Asambleja e Përgjithshme mund të marrë vendime të vlefshme, vetëm nëse janë të pranishëm ose të përfaqësuar aksionarët, që zotërojnë më shumë se 30 për qind të aksioneve, me të drejtë vote. Kur asambleja duhet të vendosë për çështje, të cilat kërkojnë shumicë të kualifikuar, sipas nenit 145 të ligjit nr.9901, date 14.04.2008`Per tregtarët dhe shoqërite tregtare`, të ndryshuar, Asambleja e përgjithshme mund të marrë vendime të vlefshme, vetëm nëse aksionarët, që zotërojnë më shumë se gjysmën e numrit total të aksioneve me të drejtë vote, apo përfaqësuesit e tyre, marrin pjesë në votim personalisht ose votojnë me shkresë apo me mjete elektronike, sipas parashikimeve të nenit 142 të ligjit nr. 9901, date 14.04.2008`Per tregtarët dhe shoqërite tregtare`, të ndryshuar.

14.2 Nëse Asambleja e përgjithshme nuk mund të mbledhet për shkak të mungesës së kuorumit të përmendur në pikën 1 të këtij neni, asambleja mbledhet përsëri jo më vonë se 30 ditë, me të njëjtin rend dite.

Neni 15

Marrja e vendimeve

15.1 Asambleja e përgjithshme vendos me tri të katërtat e votave të zotëruesve të kapitalit, të aksionarëve pjesëmarrës, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë. Asambleja e përgjithshme vendos me shumicën e votave të ortakëve pjesëmarrës, për çështje të tjera të parashikuara në nenin 14 të këtij statuti.

Neni 16

Këshilli Mbikëqyrës

16.1 Këshilli mbikëqyrës përbëhet nga 3 (tre) anëtarë. Anëtarët janë individë, shumica e të cilëve duhet të jenë të pavarur dhe të ndryshëm nga administratorët e shoqërisë.

16.2 Anëtarët e Këshillit mbikëqyrës zgjidhen nga Asambleja e Përgjithshme me shumicën e kërkuar në pikën 2 të nenit 145 të ligjit nr.9901, date 14.04.2008`Per tregtarët dhe shoqërite

tregtare``, të ndryshuar, duke zbatuar afatin e emërimit, të përcaktuar në statut, i cili nuk mund të jetë më i gjatë se 3 vjet. Anëtarët e këshillit mbikëqyrës mund të rizgjidhen.

16.3 Këshilli Mbikëqyrës ka këto të drejta dhe përgjegjësi:

- a) Të kontrollojë e të mbikëqyrë zbatimin e politikave tregtare të shoqërisë nga administratori /ët;
- b) Të përgatisë, me kërkesë të asamblesë së përgjithshme, marrjen e masave, që janë në kompetencë të kësaj të fundit, t'i rekomandojë asaj vendime të nevojshme për t'u marrë, si dhe të zbatojë vendimet e asamblesë;
- c) Të thërrasë mbledhjen e asamblesë së përgjithshme, sa herë vlerësohet e nevojshme për interesat e shoqërisë;
- d) Të kujdeset që shoqëria të respektojë ligjin dhe standardet e kontabilitetit;
- e) Të shqyrtojë e të kontrollojë librat kontabël, dokumentet dhe aktivet e shoqërisë;
- f) Të sigurojë se pasqyrat financiare vjetore, raportet e ecurisë së veprimtarisë, si dhe detyrimet e tjera të raportimit e publikimit, të detyrueshme në bazë të ligjit apo statutit, të kryhen me saktësi nga administratorët. Këto dokumente duhet të miratohen e të nënshkruhen nga të gjithë e anëtarët e Këshillit Mbikëqyrës për t'iu paraqitur Asamblesë së Përgjithshme, së bashku me një raport të Këshillit Mbikëqyrës për miratim dhe një përshkrim për mbikëqyrjen e menaxhimit gjatë të gjithë vitit financiar;

16.4 Në rastet e parashikuara në pikat 3, 4 e 5 të nenit 136 të ligjit nr.9901, date 14.04.2008``Per tregtarët dhe shoqëritë tregtare``, të ndryshuar , Këshilli Mbikëqyrës duhet të thërrasë menjëherë Asamblesë e përgjithshme, për të shqyrtuar nëse shoqëria duhet të priset ose për marrjen e masave të tjera të nevojshme e të përshtatshme.

Neni 17

Mbledhjet e Këshillit Mbikëqyrës

- 17.1 Mbledhjet e këshillit mbikëqyrës do të mbahen të paktën dy herë në vit sipas nevojave të aktivitetit tregtar të shoqërisë, derisa Asambleja e përgjithshme të vendosë me shumicë të zakonshme votash mbi shpeshhtësinë e këtyre mbledhjeve.
- 17.2 Vendimet e Këshillit Mbikëqyrës merren me kuorumin e përcaktuar në pikën 5 të nenit 167 dhe nenin 162 të ligjit nr. 9901, date 14.04.2008 ``Per tregtarët dhe shoqëritë tregtare``, të ndryshuar.
- 17.3 Anëtarët e Këshillit mbikëqyrës mund të marrin pjesë në mbledhje nëpërmjet mjeteve elektronike të komunikimit përfshirë komunikimin video dhe audio konferencë. Ata mund të marrin pjesë në votime duke përdorur numrin PIN të lëshuar çdo anëtarë në momentin e emërimit.

17.4 Anëtarët e Këshillit mbikëqyrës emërojnë njërin prej tyre si kryetar të mbledhjes, i cili mund të shkarkohet në çdo kohë nga kjo detyrë. Kryetari do të drejtojë çdo takim të Këshillit mbikëqyrës në të cilin ai është i pranishëm. Në rast se kryetari nuk dëshiron të drejtojë mbledhjen apo nuk është i pranishëm brenda pesë minutave nga orari i caktuar për mbledhjen, anëtarët e Këshillit mbikëqyrës mund të emërojnë njërin prej tyre si kryetar të mbledhjes.

17.5 Çështjet e rendit të ditës vendosen me shumicën e votave të pjesëmarrësve. Në rast numri të barabartë votash, vota e kryetarit do të jetë vendimtare.

Neni 18

Procesverbalet e Këshillit Mbikëqyrës

18.1 Këshilli mbikëqyrës është përgjegjës për mbajtjen në libra të posaçëm të procesverbaleve:

1. Të gjithë takimeve të Këshillit mbikëqyrës
2. Të gjitha mbledhjeve të Këshillit mbikëqyrës, përfshirë edhe emrat e administratorëve të pranishëm në çdo mbledhje.

Neni 19

Largimi i anëtarëve të Këshillit mbikëqyrës

19.1 Detyra e anëtarit të Këshillit mbikëqyrës përfundon në rast se:

- a) Personi pushon së qeni anëtar i këshillit mbikëqyrës në bazë të dispozitave të ligjit nr.9901, date 14.04.2008``Per tregtarët dhe shoqëritë tregtare``, të ndryshuar duke përfshirë parashikimet e pikës 4 të nenit 167 dhe nenit 157.
- b) Humbet zotesinë juridike për të vepruar
- c) Personi jep dorëheqjen nga detyra duke njoftuar shoqërinë
- d) Ka munguar për më shumë se gjashtë muaj radhazi pa lejen e anëtarëve të tjerë të Këshillit mbikëqyrës në mbledhje të këtij këshilli të mbajtura gjatë kësaj periudhe dhe Asambleja e përgjithshme, me propozim të Këshillit mbikëqyrës vendos ta shkarkojë nga detyra.

Neni 20

Emërimi, shkarkimi, të drejtat dhe detyrimet e Administratorit/rëve

20.1 Asambleja e përgjithshme emëron një ose më shumë persona fizikë si administratorë të shoqërisë, për një afat të përcaktuar në statut, i cili nuk mund të jetë më i gjatë se 3 vjet.

Administratorët e shoqërisë mund të riemërohen. Emërimi prodhon pasoja pas regjistrimit në Qendrën Kombëtare të Biznesit.

20.2 Administratori i një shoqërie mëmë nuk mund të zgjidhet si administrator i një shoqërie të kontrolluar dhe anasjelltas. Administratori i një shoqërie mëmë nuk mund të jetë kryetar i Këshillit të mbikëqyrjes të një shoqërie të kontrolluar dhe administratori i një shoqërie të kontrolluar nuk mund të jetë kryetar i këshillit të mbikëqyrjes të shoqërisë mëmë. Çdo emërim i bërë në kundërshtim me këto dispozita është absolutisht i pavlefshëm. Të drejtat e të tretëve mbrohen sipas nenit 12 të ligjit nr. 9901, datë 14.04.2008 "Per tregtaret dhe shoqerite tregtare", të ndryshuar.

20.3 Administratorët kanë të drejtë dhe detyrohen:

- a) Të kryejnë të gjitha veprimet e administrimit të veprimtarisë tregtare të shoqërisë;
- b) Të përfaqësojnë shoqërinë tregtare;
- c) Të kujdesen për mbajtjen e saktë e të rregullt të dokumenteve dhe të librave kontabël të shoqërisë;
- d) Të përgatisin dhe të nënshkruajnë bilancin vjetor, bilancin e konsoliduar dhe raportin e ecurisë së veprimtarisë, të cilët ia paraqesin këshillit të mbikëqyrjes për miratim, së bashku me propozimet për shpërndarjen e fitimeve, për t'u paraqitur më pas për miratim nga asambleja e përgjithshme;
- e) Të krijojnë një sistem paralajmërimi e njoftimi të hershëm për rrethanat, që kërcënojnë ekzistencën e shoqërisë;
- f) Të kryejnë regjistrimet e publikimet e detyrueshme të të dhënave të shoqërisë, sipas parashikimeve të këtij ligji apo të ligjeve të tjera;
- g) Të raportojnë përpara Këshillit mbikëqyrës për zbatimin e politikave tregtare dhe me realizimin e veprimeve me rëndësi të veçantë, për veprimtarinë e shoqërisë;
- h) Të kryejnë detyra të tjera, të përcaktuara në ligj dhe në statut.

20.4 Detyrat, që i cakton ligji nr.9901, datë 14.04.2008 "Per tregtaret dhe shoqerite tregtare", të ndryshuar Këshillit mbikëqyrës, nuk mund t'u delegohen administratorëve.

20.5 Në rastet e parashikuara në pikat 3, 4 e 5 të nenit 136 të ligjit nr.9901, datë 14.04.2008 "Per tregtaret dhe shoqerite tregtare", të ndryshuar, administratorët duhet të informojnë menjëherë kryetarin e Këshillit mbikëqyrës.

20.6 Nëse asambleja e përgjithshme emëron më shumë se një administrator, ata e administrojnë bashkërisht shoqërinë. Statuti ose rregulloret e tjera, të miratuara nga asambleja e përgjithshme, mund të parashikojnë ndryshe.

20.7 Detyra e Administratorit përfundon në rast se:

- a) Personi nuk është më administrator në bazë të dispozitave të ligjit përfshirë shkarkimin nga Asambleja e përgjithshme në pajtim me pikën 2 të nenit 167, dhe shkronjën "c" të pikës 2 të nenit 135 të ligjit nr.9901, date 14.04.2008`Per tregtaret dhe shoqerite tregtare`, të ndryshuar
- i.Humbet zotesine juridike per te vepruar
 - ii.Personi jep dorëheqjen nga detyra duke njoftuar shoqërinë
- b) Ka munguar për më shumë se gjashtë muaj radhazi pa lejen e Këshillit mbikëqyrës në mbledhjet e administratorëve të mbajtura gjatë kësaj periudhe dhe asambleja e Përgjithshme, me propozim të Këshillit Mbikëqyrës, vendos të shkarkojë nga detyra.

20.8 Asambleja e përgjithshme mund të shkarkojë administratorin në çdo kohë me shumicë të zakonshme. Statuti apo marrëveshje të tjera nuk mund të përjashtojnë apo kufizojnë këtë të drejtë. Paditë, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

KREU IV

DIVIDENDËT DHE KALIMI I FITIMEVE NË KAPITALIN THEMELTAR

Neni 21

Dividendët

- 21.1 Në përputhje me dispozitat e ligjit, shoqëria me shumicë të zakonshme të votave së Asamblesë së Përgjithshme mund të deklarojë dividendët në përputhje me të drejtat përkatëse të aksionarëve.
- 21.2 Me përjashtim të rasteve kur parashikohet ndryshe nga të drejtat që lidhen me aksionet, të gjithë dividendët deklarohen dhe paguhen në përputhje me shumat e paguara për aksionet për të cilët paguhet dividendi. Të gjithë dividendët pjesëtohen dhe paguhen në përpjesëtim të drejtë me shumat e paguara për aksionet, pjesës ose pjesëve t periudhës për të cilën paguhet dividendi; në rast se aksioni emetohet me kushtin e përfitimit të dividendit nga një datë e caktuar, dividendi do të paguhet në përputhje me këtë kusht.
- 21.3 Asnjë dividend ose pagesë në para që lidhet me një aksion nuk prodhon interesa kundrejt shoqërisë nëse një gjë e tillë nuk parashikohet në të drejtat e aksionit.
- 21.4 Çdo dividend që nuk është kërkuar të paguhet brenda dymbëdhjetë vjetëve nga data e maturimit, në rast se vendoset nga asambleja e përgjithme, do të përfitohet nga shoqëria e cila nuk do të jetë e detyruar që ta paguajë atë.

Neni 22:
Kalimi i fitimeve në Kapitalin Themeltar

22.1 Administratorët, pas vendimit të marrë nga Asambleja e përgjithshme me shumicë të kualifikuar votash sipas kuoromit të përcaktuar nga neni 145 i ligjit nr.9901, datë 14.04.2008 "Për tregtarët dhe shoqëritë tregtare", të ndryshuar, mund të vendosë të kalojë në kapitalin themeltar të shoqërisë fitimet e pashpërndara të cilat nuk do të përdoren për të paguar dividend preferencialë apo shuma të tjera të parashikuara për rezerva ligjore ose kapitali.

KREU V
DISPOZITA KALIMTARE

Neni 23
Prishja dhe likuidimi

23.1 Prishja dhe likuidimi i shoqërisë bëhet në përputhje me dispozitat ligjore të parashikuara në ligjin nr. 9901, datë 14.04.2008 "Për tregëtarët dhe shoqëritë tregëtare", të ndryshuar.

Neni 24
Mosmarrëveshje

24.1 Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindë midis shoqërisë dhe të tretëve, do të jetë gjykata kompetente ku ndodhet selia e shoqërisë.

Ky statut hyn në fuqi, menjëherë, me miratimin nga Asambleja e Përgjithshme e Shoqërisë.

PËR ASAMBLENË E PËRGJITHDSHME TË "TRAJTIMI I STUDENTËVE" SH.A
SHKODËR

VOLTANA ADEMI

Kryetare e Bashkisë Shkodër

(Aksionari i vetëm i Shoqërisë)

[Signature]
27.07.2020